



Broj: 05-02-1-744-3/20
Sarajevo, 1.7.2020. godine

PARLAMENTARNA SKUPŠTINA BiH
- Zastupnički dom -
- Dom naroda -

SARAJEVO

BOŠNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIM. broj	02-07-2020	Broj priloga
Organizacija	Republika BiH	broj
Jedinica	Opština	broj
02-02-1-1344		20

B

PREDMET: Prijedlog zakona o izmjenama i dopuni Zakona o sudskim pristojbama u postupku pred Sudom Bosne i Hercegovine, *dostavlja se*

Poštovani,


Vijeće ministara Bosne i Hercegovine, na 6. sjednici održanoj 28.5.2020. godine, usvojilo je Prijedlog zakona o izmjenama i dopuni Zakona o sudskim pristojbama u postupku pred Sudom Bosne i Hercegovine, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po temeljnom zakonodavnom postupku.


U vezi s navedenim, u privitku dostavljamo Prijedlog zakona o izmjenama i dopuni Zakona o sudskim pristojbama u postupku pred Sudom Bosne i Hercegovine, na bosanskom, hrvatskom i srpskom jeziku. Istodobno dostavljamo Pregled odredbi Zakona koje se mijenjaju i dopunjavaju, pribavljena mišljenja nadležnih institucija, neslužbenu verziju prečišćenog teksta zakona, kao i elektroničku verziju Prijedloga zakona.

S poštovanjem,

PRILOG: - Kao u tekstu -

DOSTAVITI:
- Naslovu i
- a/a.





BOSNA I HERCEGOVINA
VIJEĆE MINISTARA

PRIJEDLOG

ZAKON
O IZMJENAMA I DOPUNI ZAKONA O SUDSKIM TAKSAMA U
POSTUPKU PRED SUDOM BOSNE I HERCEGOVINE

Sarajevo, juni 2020. godine

Na osnovu člana IV. (4.) a) Ustava Bosne i Hercegovine, Parlamentarna skupština Bosne i Hercegovine na _____ sjednici Predstavničkog doma, održanoj _____ 2020. godine i na _____ sjednici Doma naroda, održanoj _____ 2020. godine, usvojila je

Z A K O N

O IZMJENAMA I DOPUNI ZAKONA O SUDSKIM TAKSAMA U POSTUPKU PRED SUDOM BOSNE I HERCEGOVINE

Član 1.

U Zakonu o sudskim taksama u postupku pred Sudom Bosne i Hercegovine („Službeni glasnik BiH“, broj 39/03) u članu 8. stav 1. riječ „Naplaćena“, zamjenjuje se riječju „Neplaćena“.

Član 2.

U članu 9. riječ „dvije“, zamjenjuje se riječju „tri“.

Član 3.

Član 13. mijenja se i glasi:

„Član 13.

Ako stranka neposredno ili putem pošte dostavi Sudu podnesak koji nije taksiran ili je nedovoljno taksiran, Sud će joj dostaviti nalog za plaćanje sudske takse i pozvati je da taksu plati u roku od 15 dana od dana datog naloga te je upozoriti na posljedice neplaćanja takse u tom roku, u smislu člana 15. ovog zakona.

Ako stranka iz stava 1. ovog člana kojoj je upućen nalog za plaćanje sudske takse ne plati taksu u ostavljenom roku, Sud je dužan odmah po isteku roka uputiti opomenu za plaćanje sudske takse u roku od osam dana.

Sud može, na zahtjev taksenog obaveznika, rješenjem odrediti da taksenu obavezu izmiri u ratama i to najviše u tri mjesečne rate.

Ukoliko stranka u postupku ima punomoćnika, nalog, odnosno opomena za plaćanje takse dostavit će se njenom punomoćniku.“

Član 4.

Član 15. mijenja se i glasi:

„Član 15.

Ako takseni obaveznik ni nakon opomene ne uplati taksu u ostavljenom roku, Sud će donijeti rješenje kojim će mu naložiti da u roku od 15 dana od dana prijema rješenja plati dužnu taksu kao i 50% od te takse na ime kaznene takse.

Obrazloženje rješenja iz stava 1. ovog člana sadrži sljedeće podatke:

- a) kada je nastala taksena obaveza
- b) da li je stranka obaviještena o obavezi uplate takse i na koji način
- c) da li je to obavještenje primila
- d) da li je takseni obaveznik upozoren na posljedice neplaćanja takse u roku

e) broj bankovnog računa ili drugog računa preko koga takseni obaveznik ostvaruje prihode, sa kojeg se ima naplatiti sudska taksa

f) kao i druge bitne činjenice o obavezi uplate takse.

Protiv rješenja Suda iz stava 1. ovog člana dozvoljena je žalba u roku od osam dana od dana prijema rješenja, koja ne odgađa izvršenje rješenja.

U slučaju da takseni obaveznik u roku ne uplati taksu po rješenju iz stava 1. ovog člana, taksa će se naplatiti u skladu sa zakonima o izvršnom postupku koje primjenjuju nadležni sudovi koji provode izvršenje.

Rješenje iz stava 1. ovog člana ima snagu izvršne isprave i dostavlja se nadležnom sudu po mjestu prebivališta, odnosno boravišta taksenog obaveznika, da provode izvršenje. Uz rješenje Sud prilaže i dokaz o tome da je taksenom obavezniku dostavljen nalog, odnosno opomena o plaćanju takse.

O rezultatima naplate takse izvršene prinudnim putem obavijestit će se Sud“.

Član 5.

Član 16. mijenja se i glasi:

„Član 16.

Ako je takseni obaveznik fizičko lice koje nema prebivalište, odnosno boravište, ali ima imovinu u Bosni i Hercegovini, postupak za naplatu neplaćene takse provest će sud na čijem području se nalazi imovina taksenog obaveznika, a ako nema imovine onda sud koji provodi izvršenje na području sjedišta Suda Bosne i Hercegovine.“

Član 6.

U članu 17. riječ „službi“, zamjenjuje se riječju „banci“.

Iza stava 1. dodaje se stav 2. koji glasi:

„Banka kod koje se vodi žiro račun taksenog obaveznika obavijestit će Sud o rezultatima naplate takse izvršene prinudnim putem, dostavom dokaza o naplati takse.“

Član 7.

Stupanje na snagu

Ovaj zakon stupa na snagu osmog dana od dana objavljivanja u „Službenom glasniku BiH“.

PS BiH, broj _____ /20

_____ 2020. godine

S a r a j e v o

PREDSJEDAVAJUĆI

Predstavničkog doma

Parlamentarne skupštine BiH

PREDSJEDAVAJUĆI

Doma naroda

Parlamentarne skupštine BiH

O B R A Z L O Ž E N J E

I – USTAVNOPRAVNI OSNOV

Ustavnopravni osnov za donošenje ovog zakona sadržan je u članu IV. 4. a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona koji su potrebni za provođenje odluka Predsjedništva ili za vršenje funkcija Skupštine prema Ustavu Bosne i Hercegovine.

Ustavnopravni osnov za donošenje ovog zakona utvrđen je prilikom njegovog prvog usvajanja.

II - RAZLOZI ZA DONOŠENJE ZAKONA

Visoko sudsko i tužilačko vijeće Bosne i Hercegovine je svojim aktom od 12. 6. 2018. godine Ministarstvu pravde Bosne i Hercegovine dostavilo inicijativu Suda Bosne i Hercegovine za izmjene Zakona o sudskim taksama u postupku pred Sudom Bosne i Hercegovine (u daljem tekstu: Zakon), konkretizujući odredbe koje se odnose na postupak prinudne naplate.

Predhodno je Stalna komisija za legislativu Visokog sudskog i tužilačkog vijeća razmotrila navedenu inicijativu i ocijenila je opravdanom, s obzirom da nedovoljna preciznost člana 15. Zakona, u potpunosti onemogućava primjenu norme i naplatu zakonom propisanih budžetskih prihoda. Prema odredbi člana 15. Zakona, Sud BiH nema nadležnost da donese rješenje o prinudnoj naplati sudske takse, jer Sud BiH ima isključivo nadležnost da zatraži od nadležnog organa uprave, odnosno službe za upravu da se naplata dužne takse izvrši prinudnim putem i da nadležni organ uprave jedini može naložiti taksenom obavezniku da plati taksu. S obzirom da Zakon ne precizira koji je organ nadležan za postupak prinudne naplate neplaćene takse, to dovodi do odbijanja organa uprave (porezne uprave FBiH i RS, Uprava za indirektno oporezivanje BiH) da prinudno naplate dužne takse. Stoga je potrebno da se kroz preciziranje norme jasnije definiše organ nadležan za provođenje postupka prinudne naplate nenaplaćene sudske takse.

Ministarstvo pravde Bosne i Hercegovine je predmetnu inicijativu dostavilo Ministarstvu finansija i trezora Bosne i Hercegovine, jer je to ministarstvo, u skladu sa članom 21. Zakona, dužno vršiti nadzor nad izvršenjem odredaba Zakona, a bilo je i obrađivač osnovnog teksta Zakona („Službeni glasnik BiH“, broj 39/03). Navedeno ministarstvo je podržalo izmjenu Zakona kako bi se precizirao efikasan mehanizam naplate sudskih taksi te je konstatovalo da izmjene zakona treba pripremiti Ministarstvo pravde Bosne i Hercegovine u skladu sa svojim nadležnostima. Rukovođeni navedenim, Ministarstvo pravde Bosne i Hercegovine je održalo dodatne konsultacije sa predstavnicima Ministarstva finansija i trezora Bosne i Hercegovine i Suda Bosne i Hercegovine te su sačinjene izmjene i dopune zakona kako se predlažu.

Naime, članom 7. Zakona je propisano da se sudska taksa plaća u gotovom novcu, a ista predstavlja prihod Bosne i Hercegovine i plaća se na jedinstveni račun trezora institucija BiH. Ovo upućuje na interes svih grana vlasti u BiH da osiguraju djelotvornost postupka naplate sudske takse kako budžet BiH ne bi snosio posljedice, zbog čega je odredbe koje stvaraju nedoumice i onemogućavaju postupak naplate sudske takse potrebno izmijeniti.

Zakonom se explicite propisuje da naplaćena ili nedovoljno plaćena taksa nije prepreka prijemu

podneska niti zadržava tok sudskog postupka (član 8.). Cilj odredbe je usklađen sa Ustavom BiH i Evropskom konvencijom za zaštitu ljudskih prava i osnovnih sloboda. Podsjećamo da je Ustavni sud BiH rješavao pravno pitanje koje se odnosilo na vraćanje tužbe zbog neplaćanja sudske takse pred sudovima i u Odluci broj U 8/ 12 utvrdio da to nije u skladu sa članom II/3. (e) Ustava BiH i članom 6. stav 1. Evropske konvencije (pravo na pravično suđenje – pristup sudu). U toj odluci Ustavni sud je zaključio da onemogućavanje vođenja postupka ako na podnesak, uključujući i tužbu, nije unaprijed plaćena sudska taksa ne predstavlja sredstvo koje je razumno proporcionalno ostvarenju legitimnog cilja - naplate sudskih taksi kao javnih prihoda, jer se na taj način potpuno ograničava pravo na pristup sudu, odnosno mogućnost da se vodi sudski postupak, čime za stranku u postupku mogu nastati neotklonjive štetne posljedice, što je suprotno samoj suštini prava na pravično suđenje iz člana 6. stav 1. Evropske konvencije. Ipak, iako je odredba usaglašena sa pravnim normama jače pravne snage, formulacija upotrijebljena u odredbi člana 8. važećeg Zakona sadrži nelogičnu formulaciju da naplaćena sudska taksa nije prepreka prijemu podneska, niti zadržava tok sudskog postupka. Podrazumijeva se da naplaćena sudska taksa ne šteti vođenju postupka, jer je plaćanje sudske takse, radnja koja doprinosi ubrzavanju i vođenju sudskog postupka na ekonomičan način. Vjerovatno je riječ o gramatičkoj grešci, pa je stoga **članom 1. Zakona o izmjenama i dopuni Zakona** predložena izmjena ove odredbe tako da prva riječ glasi „Neplaćena“.

Odredbom člana 9. Zakona normirano je da pravo na naplatu takse zastarijeva u roku od dvije godine, računajući od dana kada je nastala obaveza plaćanja dužne takse. Iz toga slijedi da ne postoji kauzalitet između trenutka pokretanja postupka (npr. donošenja/upućivanja naloga za plaćanje sudske takse) i trenutka zastarijevanja. Isključive vremenske odrednice su trenutak nastanka taksene obaveze (npr. datum predaje ili zaprimanja podneska kod Suda) i protek roka od 2 (dvije) godine, od toga datuma. Obaveza je na Sudu da u navedenom roku od 2 (dvije) godine pokrene i vodi postupak, kako zakonska obaveza (pravo na naplatu takse) ne bi postala naturalna obligacija. Ovakva odredba je ograničavajućeg karaktera u smislu visine prihoda koji će biti uprihodovani na račun institucija BiH, i nema opredjeljućeg razloga da vrijeme nastupanja zastare vezuje za period od dvije godine. Identične odredbe koje propisuju rok od dvije godine za nastupanje zastarijevanja prava na naplatu takse sadrže i Zakon o sudskim taksama Republike Srpske i Zakon o sudskim taksama u postupku pred Vrhovnim sudom FBiH. Međutim u Zakonu o sudskim taksama Zeničko-dobojskog kantona, Zakonu o sudskim taksama Tuzlanskog kantona, Zakonu o sudskim taksama Kantona Sarajevo, kao rok zastare naplate takse određen period od pet godina od nastanka obaveze, što omogućava efikasniju realizaciju postupaka naplate. Nesporno je da je u nemalom broju predmeta Sud BiH donosi Rješenje o obustavi postupka naplate takse¹ jer je protekao vremenski period predviđen članom 9. Zakona (nastupanje zastare nakon 2 godine u kojem je postojalo pravo na naplatu takse). Ovo upućuje na zaključak da ovaj Zakon treba doprinijeti svrsishodnijem postupanju u naplati sudske takse, pa je u **članu 2. Zakona o izmjenama i dopuni Zakona**, predložena izmjena koja rok zastare produžava sa dvije (bar) na tri godine, s obzirom da je rok od dvije godine prekratak, što je pokazala primjena drugih zakona (u kantonima) kojim je propisan rok od 5 godina.

Poglavljem (cjelinom) III važećeg Zakona normiran je postupak za naplatu nenaplaćene takse. Odredbom člana 13. propisana je različita procedura postupka naplate nenaplaćene takse u slučaju direktne predaje podnesaka od slučaja dostave podnesaka putem pošte. **Član 3. Zakona o izmjenama i dopuni Zakona** sadrži izmjene kojima se precizira član 13. Zakona, u smislu

¹ U predmetu S1 3 P 018520 15 P podnesena je tužba 12. 3. 2015. godine, a kako je od nastanka taksene obaveze, 12. 3. 2015. godine, protekao vremenski period predviđen članom 9. Zakona (nastupanje zastare nakon 2 (dvije) godine u kojem je postojalo pravo na naplatu takse na tužbu, Sud BiH je 20. 3. 2017. donio Rješenje o djelimičnoj obustavi postupka naplate sudske takse, i to na tužbu, a zbog nastupanja zastare.

određenja preciziranog postupka za dostavu naloga za plaćanje sudske takse, ako ona nije plaćena, uz davanje mogućnosti taksenom obavezniku da plaćanja sudske takse izvrši u ratama. Članom 15. stav 1. važećeg Zakona propisano je da ako takseni obaveznik ne plati taksu u ostavljenom roku, Sud će zatražiti od nadležnog organa uprave, odnosno službe za upravu na čijem se području nalazi prebivalište taksenog obaveznika da se naplata dužne takse izvrši prinudnim putem. Stavom 2. citiranog člana propisano je da će, po prijemu zahtjeva, nadležni organ uprave donijeti rješenje kojim će taksenom obavezniku naložiti da plati dužnu taksu kao i 50% od te takse na ime kaznene takse, pa ako takseni obaveznik ne postupi, pristupit će se prinudnoj naplati na obje takse, s tim što se naplata prinudnim putem vrši po propisima o prinudnoj naplati poreza. Iz prethodno citirane odredbe Zakona, koja se odnosi isključivo na fizička lica koja ne plate taksu u roku, proizlazi da Sud nema nadležnost da donosi Rješenja o prinudnoj naplati sudske takse, odnosno Sud isključivo ima nadležnost da zatraži (npr. dopisom) od nadležnog organa uprave, odnosno službe za upravu da se naplata dužne takse izvrši prinudnim putem, a da nadležni organ uprave jedini može naložiti taksenom obavezniku da plati taksu. Iz dosadašnjeg postupanja proizilazi da se ingerencija Suda završava sa slanjem dopisa nadležnoj poreskoj upravi (tako se tumači pojam nadležni organ uprave, iako bi bilo korisno Zakonom jasno normirati, zbog izbjegavanja dilema, konkretnu instituciju/organ koji je obavezan provesti postupak prinudne naplate) uz molbu da se izvrši naplata prinudnim putem, a u skladu sa propisima o prinudnoj naplati poreza (iako je riječ o molbi za postupanje po odredbama Zakona o sudskoj taksi).

Odredbom člana 16. važećeg Zakona propisano je da će Sud, ako fizičko lice nema boravište ili prebivalište, ali ima imovinu u BiH, zahtjev za prinudnu naplatu dostaviti nadležnom organu uprave, odnosno službi za upravu na čijem području se nalazi imovina taksenog obaveznika. Dosadašnje postupanje poreskih uprava je pokazalo da postoje poteškoće u daljnjem postupku o prinudnoj naplati, čime se ugrožava smisao ostvarivanje cilja – naplate sudske takse. Radi navedenog predlaže se izmjena člana 16. važećeg Zakona, tako da će postupak za naplatu neplaćene takse provesti sud na čijem području se nalazi imovina taksenog obaveznika, a ako nema imovine onda sud koji provodi izvršenje na području sjedišta Suda Bosne i Hercegovine, kako je predloženo članom 5. Zakona o izmjenama i dopuni Zakona.

Kako odredba člana 17. važećeg Zakona ne bi ostavljala mogućnost različitih interpretacija izvršena je terminološka izmjena, jer su banke "službe" kod kojih se vode žiro računi, kako je predloženo članom 6. Zakona o izmjenama i dopuni Zakona.

III – PRINCIPI NA KOJIMA JE ZASNOVAN ZAKON

- **Efikasnost**- ostvarivanje cilja Zakona je naplata propisane sudske takse, a djelotvoran postupak naplate sudske takse nema štetne posljedice po Budžet BiH.
- **Ekonomičnost**- dosadašnje postupanje poreskih uprava je pokazalo da postoje poteškoće u daljnjem postupku naplate i donošenja rješenja o prinudnoj naplati, čime se postupak odugovlači, obustavljaju se postupci naplate takse zbog kratkog zastarnog roka- ugrožava se smisao Zakona.
- **Jednak pristup sudu** - ovim zakonom niti se mogu mijenjati niti mijenjaju postulati utvrđeni u zakonodavstvu, svim građanima osiguran je jednak pristup pravdi i rješavanje svih postupaka na sudu, u skladu sa zakonom i najvišim standardima zaštite ljudskih prava i sloboda garantovanih Ustavom BiH i Evropskom konvencijom o zaštiti ljudskih prava i osnovnih sloboda.
- **Jednakost građana**- kroz usaglašavanje zakona o taksama u BiH i zaštitu taksenog obaveznika plaćanjem sudske takse u ratama.

Prilikom izrade ovog zakona vodilo se računa o principima koje je obrađivač dužan poštovati. Prije svih rukovodilo se principom neophodnosti jer su izmjene i dopune zaista potrebne i njime se rješavaju problemi naplate sudske takse. Princip efektivnosti je takode uzet u obzir jer se uvođenjem izmjena povećava naplata sudskih taksi. Opterećenja koja zakon nameće subjektima na koja se odnosi, su opravdana i svrsishodna, te je time zadovoljen princip proporcionalnosti. Princip konzistentnosti je takode uzet u obzir s obzirom da predviđene izmjene zakona doprinose boljoj provodivosti zakona, a konzistentne su sa osnovnim tekstom zakona.

IV - USKLADENOST PROPISA SA ZAKONODAVSTVOM EU

Zakonom se explicite propisuje da neplaćena ili nedovoljno plaćena taksa nije prepreka prijemu podneska niti zadržava tok sudskog postupka (član 8.). Cilj odredbe je uskladen sa Ustavom BiH i Evropskom konvencijom za zaštitu ljudskih prava i osnovnih sloboda (pravo na pravično suđenje – pristup sudu).

Odredbe Konvencije reguliraju oblast "prava na pravedno suđenje" i "jednak pristup pravdi", što obavezuje sve države članice, ali svaka od njih individualno uređuje ovu oblast na način koji odgovara njenom ustavnom sistemu, državnoj strukturi i slično. Kako ovom prilikom, tako i u svim drugim sličnim, Bosna i Hercegovina analizira, cijeni i nastoji da uvede najbolje međunarodne standarde i prakse. Dakle, materija koja se uređuje Nacrtom zakona nije regulisana pravno obavezujućim aktima EU, a predložene izmjene nikako ne umanjuju pravo stranaka na pristup sudu i pravičan sudski postupak, što je u suštini člana 6. stav 1. Evropske konvencije.

V - PROVEDBENI MEHANIZMI I OSIGURAVANJE POŠTIVANJA PROPISA

Provođenje ovog propisa osigurano je kroz već uspostavljene pravosudne institucije i njihove propisane nadležnosti.

VI – KONSULTACIJE

U periodu od 13. 11. 2018. godine do 9. 7. 2019. godine, konsultacije su vođene sa predstavnicima Suda BiH i Ministarstva finansija i trezora BiH vezano za iznalaženje najboljih rješenja. Izvršena je detaljna analiza zakona o sudskim taksama entiteta i kantona, kao i Brčko distrikta Bosne i Hercegovine, a posebno cijenjeni izneseni problemi u primjeni važećeg Zakona koji su inicirali izmjene i dopune ovog propisa.

U skladu s Pravilima za konsultacije u izradi pravnih propisa ("Službeni glasnik BiH", br. 81/06 i 80/14) provedene su javne konsultacije.

Udruženje poslodavaca BiH u periodu konsultacija predložilo je izmjenu članova 7. i 22. Zakona o sudskim taksama u postupku pred Sudom BiH. Prijedlog se odnosi na smanjenje sudskih taksi u postupku pred Sudom BiH.

Prijedlog je razmatrala Radna grupa i zaključila da isti ne može biti prihvaćen iz sljedećih razloga:

Izmjene predloženih članova u fazi izrade zakona nisu bile predmet razmatranja s obzirom da za iste nije dostavljena inicijativa i ovakav prijedlog se prvi put ističe za razmatranje.

U vezi s konkretnim prijedlogom je važno napomenuti da je na nivou Bosne i Hercegovine kroz projektne aktivnosti izvršena analiza svih parafiskalnih nameta, te na državnom nivou uspostavljen *Registar parafiskalnih nameta*, koji je objavljen na stranici Ministarstva finansija i trezora Bosne i Hercegovine. Kroz projektne aktivnosti planirano je da se takvi registri sačine

i objave na svim nivoima vlasti, kako bi se moglo pristupiti njihovoj harmonizaciji, a sve u cilju ukidanja ili smanjenja određenih parafiskalnih nameta u skladu sa nadležnostima.

Na Nacrt zakona pribavljena su potrebna mišljenja, te nije bilo primjedbi na dostavljeni tekst.

VII - REVIZIJA POSTOJEĆIH PROPISA

Donošenje i primjena ovog zakona ne zahtijeva izmjene ili dopune drugih normativnih akata.


VIII - FINANSIJSKA SREDSTVA ZA PROVOĐENJE PROPISA

Za provođenje ovog zakona nisu potrebna dodatna finansijska sredstva.



Broj: 03-1-02-1-1001-2/19
Sarajevo: 25.11.2019. godine

MINISTARSTVO PRAVDE
BOSNE I HERCEGOVINE
Ul. Trg BiH broj 1
71000 Sarajevo



PREDMET: Nacrt Zakona o izmjenama i dopuni Zakona o sudskim taksama u postupku pred Sudom Bosne i Hercegovine, mišljenje – dostavlja se,

VEZA: Vaš akt broj: 06-02-1-6742/19 od 28.10.2019. godine

Agencija za zaštitu ličnih podataka u Bosni i Hercegovini (u daljem tekstu: Agencija), je zaprimila akt veze u čijem prilogu ste dostavili na mišljenje Nacrt Zakona o izmjenama i dopuni Zakona o sudskim taksama u postupku pred Sudom Bosne i Hercegovine. Agencija shodno članu 40. stav (1) tačka d) Zakona o zaštiti ličnih podataka („Sl. glasnik BiH“, broj: 49/06, 76/11 i 89/11) daje sljedeće:

MIŠLJENJE

Nakon izvršene analize Nacrta Zakona o izmjenama i dopuni Zakona o sudskim taksama u postupku pred Sudom Bosne i Hercegovine, sa aspekta zaštite prava na privatnost i obrade ličnih podataka, Agencija nema primjedbi.

S poštovanjem,

Dostavljeno
- Naslovu
- Spis predmeta

DIREKTOR
Petar Kovačević


100



Broj: 03/A-06-2-NH-1392-2/19

Sarajevo, 11.11.2019. godine

BOSNA I HERCEGOVINA
 MINISTARSTVO PRAVDE
 Sarajevo, 71000
 Trg Bosne i Hercegovine 1



Predmet: Mišljenje na Nacrt zakona o izmjenama i dopuni Zakona o sudskim taksama u postupku pred Sudom Bosne i Hercegovine

Veza: Vaš akt broj 06-02-1-6742/19 od 28.10.2019.

Na osnovu člana 18. Zakona o ministarstvima i drugim organima uprave Bosne i Hercegovine („Službeni glasnik BiH“ br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana VI Odluke o Direkciji za evropske integracije („Službeni glasnik BiH“, broj 41/03), Direkcija za evropske integracije daje sljedeće

MIŠLJENJE

Nacrtom zakona o izmjenama i dopuni Zakona o sudskim taksama u postupku pred Sudom Bosne i Hercegovine predložene su izmjene članova 8., 9., 13., 15. i 16. te izmjena i dopuna člana 17. Zakona o sudskim taksama u postupku pred Sudom Bosne i Hercegovine („Službeni glasnik BiH“ broj 39/03).

Predlagač propisa je u obrazloženju pod tačkom IV- Uskladenost propisa sa zakonodavstvom EU naveo da se Nacrtom zakona poštuju odredbe člana 6.1. Evropske konvencije za zaštitu ljudskih prava i osnovnih sloboda.

Prava i slobode predviđeni u Evropskoj konvenciji za zaštitu ljudskih prava i osnovnih sloboda i u njenim protokolima se direktno primjenjuju u Bosni i Hercegovini, te zakonska rješenja trebaju biti u potpunosti u skladu sa navedenom Konvencijom.

Analizom pravne stečevine Evropske unije, utvrđeno je da materija koja se uređuje Nacrtom zakona nije regulisana pravno obavezujućim aktima Evropske unije, te za isti ne postoji obaveza usklađivanja zakonodavstva u skladu sa članom 70. Sporazuma o stabilizaciji i pridruživanju

između Evropskih zajednica i njihovih država članica s jedne, i Bosne i Hercegovine, s druge strane („Službeni glasnik BiH – Međunarodni ugovori“, br. 10/08, 1/17 i 8/17).



Dostavljeno:
1. Naslovu
2. a/a



18

BOSNA I HERCEGOVINA
MINISTARSTVO FINANSIJA/
FINANSIJA I TREZORA

БОСНА И ХЕРЦЕГОВИНА
МИНИСТАРСТВО ФИНАНСИЈА
И ТРЕЗОРА

BOSNIA AND HERZEGOVINA
MINISTRY OF FINANCE
AND TREASURY

Broj:08-02-1-1455-2/20
Sarajevo, 19.02.2020. godine

 BOSNA I HERCEGOVINA
MINISTARSTVO PRAVDE
SARAJEVO

PRIJEM		28-02-2020	
ST. BROJ	ST. DNEVA	ST. M. M.	ST. G. M.

BOSNA I HERCEGOVINA
Ministarstvo pravde
Sarajevo

Predmet: Mišljenje na nacrt Zakona o izmjenama i dopuni Zakona o sudskim taksama u postupku pred Sudom Bosne i Hercegovine, dostavlja se

Veza: Vaš akt broj:06-02-1-6742/19 od 10.02.2020. godine

Ministarstvo pravde BiH je svojim aktom broj i datum veze dostavilo na mišljenje Ministarstvu finansija i trezora BiH nacrt Zakona o izmjenama i dopuni Zakona o sudskim taksama u postupku pred Sudom Bosne i Hercegovine. Razmatrajući dostavljeni tekst nacrta Zakona, a u skladu sa članom 31. stav 1. tačka e) Poslovnika o radu Vijeća ministara BiH („Službeni glasnik BiH“, broj 22/03), Ministarstvo finansija i trezora BiH daje s l i j e d e e :

M I Š L J E N J E

1. Ministarstvo pravde BiH je sačinilo nacrt Zakona o izmjenama i dopuni Zakona o sudskim taksama u postupku pred Sudom Bosne i Hercegovine kojim se konkretizuje i precizira efikasan mehanizam naplate sudskih taksi budući da postojeće zakonsko rješenje ne omogućuje sistem prinudne naplate sudskih taksi pred Sudom Bosne i Hercegovine,
2. Predmetni nacrt Zakona je predlagač uradio, na inicijativu Suda Bosne i Hercegovine koju je podržalo i Visoko sudsko i tužilačko vijeće BiH, u saradnji sa Ministarstvom finansija i trezora BiH i Sudom Bosne i Hercegovine,
3. Uz nacrt Zakona je dato obrazloženje koje sadrži:Ustavnopravni osnov, Razloge za donošenje Zakona, Principe na kojima je zasnovan Zakon, Uskladenost propisa sa zakonodavstvom EU, Provedbeni mehanizam i osiguranje poštivanja propisa, Konsultacije, Revizija postojećih propisa, Finansijak sredstva za provođenje propisa i popunjen i ovjeren Obrazac broj 2a o FISKALNOJ PROCJENI UTICAJA,
4. Nakon razmatranja teksta nacrta Zakona, obrazloženja i iskazane procjene fiskalnog uticaja propisa Ministarstvo finansija i trezora BiH konstatuje da nema primjedbi na dostavljeni tekst nacrta Zakona i sa aspekta potrebnih finansijskih sredstava za provođenje propisa daje pozitivno mišljenje.

S poštovanjem,



MINISTAR
[Signature]
Vjekoslav Urvandić

2
3
4
5

6
7
8
9
10

OBRAZAC broj 2a O FISKALNOJ PROCJENI UTICAJA

Obrazac OFP-DA

ODJELJAK A. Nosilac normativnog poala

Razdjel	KOD	NAZIV
	0904	Ministarstvo pravde Bosne i Hercegovine

ODJELJAK B. Osnovni podaci o propisu

Vrsta propisa	Ustav	Ne	Poslovnik	Ne	Pravilnik	Ne
	Sporazum	Ne	Odluka	Ne	Drugi opći pravni akt	Ne
	Zakon	Da	Uputstvo	Ne		

Naziv propisa: Nacrt zakona o izmjenama i dopuni Zakona o sudskim taksama pred Sudom BiH-Nacrt

ODJELJAK C. Zikalni efekt

1. Prihodi i primici budžeta

KOD	NAZIV	OČEKIVANI PRIHODI I PRIMICI U TERUČOJ GODINI						OČEKIVANI PRIHODI I PRIMICI U TERUČOJ GODINI #1						OČEKIVANI PRIHODI I PRIMICI U TERUČOJ GODINI #2					
		Stanje	Planirani iznos	Ostali iznosi	Iznosi izneseni u prethodnoj godini	Planirani iznos u tekućoj godini	Iznosi izneseni u prethodnoj godini	Stanje	Planirani iznos	Ostali iznosi	Iznosi izneseni u prethodnoj godini	Planirani iznos u tekućoj godini	Iznosi izneseni u prethodnoj godini	Stanje	Planirani iznos	Ostali iznosi	Iznosi izneseni u prethodnoj godini	Planirani iznos u tekućoj godini	Iznosi izneseni u prethodnoj godini
		1	2	3	4=1+2+3	5	6=4+5	7	8	9	10=7+8+9	11	12=10+11	13	14	15	16=13+14+15	17	18=16+17
714000	Porez na imovinu	0	0	0	0	0	0	0	0	0	0	0	0	0	0	0	0	0	0
715000	Domeni porezi na dobra i usluge (ostale obaveze na temelju porezi na promet drzava i usluga)	0	0	0	0	0	0	0	0	0	0	0	0	0	0	0	0	0	0
716000	Porez na odohodak	0	0	0	0	0	0	0	0	0	0	0	0	0	0	0	0	0	0
717000	Prihodi od nezdravih poreza	0	0	0	0	0	0	0	0	0	0	0	0	0	0	0	0	0	0
719000	Ustek porez	0	0	0	0	0	0	0	0	0	0	0	0	0	0	0	0	0	0
721000	Prihodi od poduzetničkih aktivnosti imovine i prihodi od pozitivnih trenutnih razlika	0	0	0	0	0	0	0	0	0	0	0	0	0	0	0	0	0	0
722000	Naknade i takse i prihodi od pružanja javnih usluga	0	0	0	0	0	108.830	0	0	108.830	0	108.830	100.000	0	0	100.000	0	100.000	0
723000	Novčane kazne (neporezne prirode)	0	0	0	0	0	0	0	0	0	0	0	0	0	0	0	0	0	0
733000	Donacije	0	0	0	0	0	0	0	0	0	0	0	0	0	0	0	0	0	0
813000	Primici po osnovu namjenskih sredstava	0	0	0	0	0	0	0	0	0	0	0	0	0	0	0	0	0	0
UKUPNO PRIHODI I PRIMICI		0	0	0	0	0	108.830	0	0	108.830	0	108.830	100.000	0	0	100.000	0	100.000	0

2. Rashodi i izdaci budžeta


KOD	NAZIV	TROŠKOVI PROVOĐENJA U TEKUĆOJ GODINI n							TROŠKOVI PROVOĐENJA U TEKUĆOJ GODINI n+1							TROŠKOVI PROVOĐENJA U TEKUĆOJ GODINI n+2						
		Budžet	Manjinski budžet	Osobni budžet	Ukupno budžetski izdaci	Planirani izdaci budžeta u iznosnoj godini	Ukupno planirani izdaci za prvih 9 mjeseci n	Planirani izdaci za ostatak godine	Budžet	Manjinski budžet	Osobni budžet	Ukupno budžetski izdaci	Planirani izdaci budžeta u iznosnoj godini	Ukupno planirani izdaci za prvih 9 mjeseci n+1	Planirani izdaci za ostatak godine	Budžet	Manjinski budžet	Osobni budžet	Ukupno budžetski izdaci	Planirani izdaci budžeta u iznosnoj godini	Ukupno planirani izdaci za prvih 9 mjeseci n+2	
		1	2	3	4=1+2+3	5	6=4+5	7	8	9	10	11=8+9+10	12	13=11+12	14	15	16	17=14+15+16	18	19=17+18		
611000	Plaće i naknade troškova zaposlenih	0	0	0	0	0	0	0	0	0	0	0	0	0	0	0	0	0	0	0		
612000	Doprinosi poslodavca i ostali doprinosi	0	0	0	0	0	0	0	0	0	0	0	0	0	0	0	0	0	0	0		
613000	Izdaci za materijal, sitan inventar i usluge	0	0	0	0	0	0	0	0	0	0	0	0	0	0	0	0	0	0	0		
614000	TEKUĆI TRANSFERI I DRUGI TEKUĆI RASHODI	0	0	0	0	0	0	0	0	0	0	0	0	0	0	0	0	0	0	0		
615000	KAPITALNI TRANSFERI	0	0	0	0	0	0	0	0	0	0	0	0	0	0	0	0	0	0	0		
618000	IZDACI ZA KAMATE	0	0	0	0	0	0	0	0	0	0	0	0	0	0	0	0	0	0	0		
689000	Rashodi od internih transakcija	0	0	0	0	0	0	0	0	0	0	0	0	0	0	0	0	0	0	0		
821000	Izdaci za nabavu stalnih sredstava	0	0	0	0	0	0	0	0	0	0	0	0	0	0	0	0	0	0	0		
822000	Izdaci za finansijku imovinu	0	0	0	0	0	0	0	0	0	0	0	0	0	0	0	0	0	0	0		
823000	IZDACI ZA OTPLATE DUGOVA	0	0	0	0	0	0	0	0	0	0	0	0	0	0	0	0	0	0	0		
UKUPNO RASHODI I IZDACI		0	0	0	0	0	0	0	0	0	0	0	0	0	0	0	0	0	0	0		

3. Obrazloženje promjena u prihodima i primicima, te rashodima i izdacima

Prijemom ovog Zakona kroz naplatu taksi pred Sudom BiH obezbijede se prihod u budžetu BiH. Nenaplaćene takse pred Sudom BiH iz 2018. godine iznose 108.830,21 KM.

ODJELJAK D. Stanje u oblasti ljudskih resursa i potencijalne obveze													
1. Promjena broja zaposlenih													
PERIOD	SISTEMATIZOVANO			PLANIRANO BUDŽETOM			TRENUTNO STANJE				POTREBNO		
	Postojeće stanje (n)	n+1	n+2	Postojeće stanje (n)	n+1	n+2	Postojeće stanje (n)		n+1	n+2	Postojeće stanje (n)	n+1	n+2
							1	2					
Službenici i zaposlenici	0	0	0	0	0	0	0	0	0	0	0	0	0
Rukovodili službenici i savjetnici	0	0	0	0	0	0	0	0	0	0	0	0	0
Prigovornici	0	0	0	0	0	0	0	0	0	0	0	0	0
Volontari	0	0	0	0	0	0	0	0	0	0	0	0	0
UKUPNO	0	0	0	0	0	0	0	0	0	0	0	0	0
Obrazloženje													
2. Potencijalne obveze za budžet													
NAZIV													
Jamstva	nema												
Ostalo	nema												
ODJELJAK E. Fiskalne posljedice na druge budžete i nivoe vlasti													
NAZIV													
Budžet Federacije Bosne i Hercegovina, Federalni vanbudžetski fondovi i korionici	nema												
Budžet Republike Srpske, vanbudžetski fondovi i korionici	nema												
Budžet Brčko distrikta Bosne i Hercegovine	nema												
Budžeti kantona, kantonalni vanbudžetski fondovi i korionici	nema												
Budžeti jedinica lokalne samouprave (općina i gradovi)	nema												
ODJELJAK F. Počet i potpis odgovornog lica institucije													

Mjesto i datum 21.11.2019



Potpis rukovodilca nosioca administrativnog posla

[Handwritten signature]

ODJELJAK C: Mišljenje Ministarstva finansija i trezora


Mišljenje Ministarstva finansija i trezora
Prot. broj. 08-02-1-1455-2/20 od 19.02.2020.g.

Mjesto i datum

Pečat

Potpis ministra finansija i trezora

Sarajevo, 19.02.2020.




[Handwritten signature]



Broj: 01-02-1-2494-2/19
Datum: 05.12.2019. godine

BOSNA I HERCEGOVINA
Ministarstvo pravde
n/r gđin Josip Grubeša, ministar



PREDMET: Mišljenje na Nacrt zakona o izmjenama i dopuni Zakona o sudskim taksama u postupku pred Sudom Bosne i Hercegovine, dostavlja se

VEZA: Vaš akt broj 06-02-1-6742/19 od 28.10.2019. godine

Poštovani,

Na osnovu člana 31. stav (1) tačka c) Poslovnika o radu Vijeća ministara Bosne i Hercegovine Ministarstvo za ljudska prava i izbjeglice Bosne i Hercegovine daje mišljenje u pogledu usklađenosti sa propisima o ostvarivanju građanskih prava i sloboda i temeljnih sloboda međunarodnog humanitarnog prava.

U skladu sa članom 26. stav (2) tačka f) Zakona o ravnopravnosti spolova u BiH („Službeni glasnik BiH“ broj 32/10) Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH, u okviru svojih nadležnosti, u postupku pripreme nacrti i prijedloga zakona, podzakonskih i drugih normativnih akata, strategija, planova i programa, a prije dostavljanja Vijeću ministara Bosne i Hercegovine, daje mišljenje o usaglašenosti navedenih akata sa Zakonom o ravnopravnosti spolova u BiH i međunarodnim standardima o ravnopravnosti spolova.

Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH je razmotrila Nacrt zakona o izmjenama i dopuni Zakona o sudskim taksama u postupku pred Sudom Bosne i Hercegovine, te daje sljedeće

MIŠLJENJE

Ovim zakonom se konkretizuju odredbe koje se odnose na postupak prinudne naplate, te doprinosi svrsishodnijem postupanju u naplati sudskih troškova.

Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH, daje **pozitivno mišljenje** na Nacrt zakona o izmjenama i dopuni Zakona o sudskim taksama u postupku pred Sudom Bosne i Hercegovine Ministarstva pravde BiH.

Napomena: U cilju daljeg ostvarivanja ravnopravnosti spolova u Bosni i Hercegovini, te sprječavanja diskriminacije na osnovu spola, molimo Vas da se ubuduće prilikom izrade akata, kao i pri obavljanju redovnih poslova iz vaše nadležnosti pridržavate odredbi Zakona o

ravnopravnosti spolova u Bosni i Hercegovini („Službeni glasnik BiH“ broj 32/10), a posebno skrećemo pažnju na primjenu:

- člana 9. tačka e) koji zabranjuje diskriminaciju u jeziku,
- člana 20. koji propisuje obavezu ravnopravne zastupljenosti spolova (40% manje zastupljenog spola) u tijelima na svim nivoima organizacije vlasti, a posebno u komisijama, odborima i slično,
- člana 22. koji propisuje obavezu prikupljanja, evidentiranja, obrađivanja i prikazivanja statističkih podataka po osnovu spola, kao i
- člana 24. koji se odnosi na obaveze institucija da poduzimaju odgovarajuće mjere na ostvarivanju ravnopravnosti spolova prilikom donošenja programa mjera, a posebno na otklanjanju uočene neravnopravnosti spolova u određenoj oblasti.

Ministarstvo za ljudska prava i izbjeglice Bosne i Hercegovine daje pozitivno mišljenje na Nacrt zakona o izmjenama i dopuni Zakona o sudskim taksama u postupku pred Sudom Bosne i Hercegovine iz razloga što su iste ranije razmatrane u smisli njihove usklađenosti s odredbama Europske konvencije za zaštitu ljudskih prava i temeljnih sloboda koje se odnose na pravo na pravično suđenje i pravo na pristup sudu.

Naime, u obrazloženju predloženih izmjena i dopuna Zakona o sudskim taksama u postupku pred Sudom Bosne i Hercegovine navodi se da je Ustavni sud Bosne i Hercegovine rješavao pravno pitanje koje se odnosilo na vraćanje tužbe zbog neplaćanja sudske takse pred sudovima, te da je u skladu sa stavom Ustavnog suda Bosne i Hercegovine, da se stranci ne može ograničiti pravo na pristup sudu, izvršena gramatička ispravka koja je postojala u zakonu. Izmjena i dopuna Zakona koja se odnosi na produženje roka zastare, prema obrazloženju predlagača zakona, opravdana je s aspekta postojeće prakse u primjeni drugih zakona.

Dakle, izmjene i dopune Zakona o taksama pred Sudom Bosne i Hercegovine nisu prepreka za prijem podneska i vođenje sudskog postupka, odnosno ne uskraćuju stranci pravo na pristup sudu i pravično suđenje što je zagarantirano Ustavom Bosne i Hercegovine i Europskom konvencijom za zaštitu ljudskih prava i temeljnih sloboda.

Pored navedenog, želimo naglasiti da Ministarstvo za ljudska prava i izbjeglice Bosne i Hercegovine prati provedbu Zakona o zabrani diskriminacije i s tim u vezi ukazuje na to da nijedno predloženo zakonsko rješenje ne smije biti u suprotnosti s odredbama Zakona o zabrani diskriminacije na način da se istim omogućava različito postupanje, uključujući svako isključivanje, ograničavanje ili davanje prednosti utemeljeno na stvarnim ili pretpostavljenim osnovama prema bilo kojoj osobi ili skupini osoba po bilo kojoj osnovi navedenoj u Zakonu o zabrani diskriminacije i sugerira da se sva predložena zakonska rješenja usklade s odredbama Zakona o zabrani diskriminacije.

S poštovanjem,

Dostavljeno:

- naslovu
- u spis predmeta
- a/a



Način otpreme: fax/obična pošta



На основу члана 17. тачка 28. Закона о Високом судском и тужилачком савјету Босне и Херцеговине („Службени гласник БиХ“, бр. 25/04, 93/05, 48/07 и 15/08), разматрајући Нацрт закона о измјенама и допуни Закона о судским таксама у поступку пред Судом Босне и Херцеговине, који је доставило Министарство правде Босне и Херцеговине, актом број: 06-02-1-6742/19 од 28.10 2019. године, Високи судски и тужилачки савјет Босне и Херцеговине је, на сједници одржаној 27. новембра 2019. године, дао сљедеће

МИШЉЕЊЕ

на Нацрт закона о измјенама и допуни Закона о судским таксама у поступку пред Судом Босне и Херцеговине


I Високи судски и тужилачки савјет Босне и Херцеговине (у даљем тексту: Савјет) констатује да је материја садржана у предложеном тексту Нацрта закона о измјенама и допуни Закона о судским таксама у поступку пред Судом Босне и Херцеговине (у даљем тексту: Нацрт закона) од утицаја на правосуђе на нивоу Босне и Херцеговине, у смислу члана 17. тачка 28. Закона о Високом судском и тужилачком савјету БиХ, те даје мишљење како слиједи.

II Имајући у виду циљ законодавне иницијативе, садржај предложених рјешења, као и раније ставове Савјета, акт бр. 08-02-1-1944-2/2018, Савјет је сагласан са Нацртом закона и подржава његово доношење.

Број: 08-02-1-3432-2/2019
Датум: 27. новембар 2019. године


Достављено:

- Министарство правде БиХ;
- а/а.



BOSNA I HERCEGOVINA
MINISTARSTVO PRAVDE
SARAJEVO

PRIMLJENO	03-12-2019	
Службена записница	у у	у у





БОСНА И ХЕРЦЕГОВИНА
Савјет министара
Уред за законодавство

BOSNA I HERCEGOVINA
Vijeće ministara
Ured za zakonodavstvo

Broj: 03-02-1-864/19
Sarajevo, 12.11.2019. godine
(ZB)

BOSNA I HERCEGOVINA
MINISTARSTVO PRAVDE
SARAJEVO

BOSNA I HERCEGOVINA
MINISTARSTVO PRAVDE
SARAJEVO

19-11-2019		
		Proj. broj

PREDMET: Mišljenje o Nacrtu Zakona o izmjenama i dopuni Zakona o sudskim taksama u postupku pred Sudom Bosne i Hercegovine

Veza: vaš akt broj: 06-02-1-6742/19 od 28.10. 2019. godine

Ured za zakonodavstvo Vijeća ministara Bosne i Hercegovine, razmotrio je **Nacrt Zakona o izmjenama i dopuni Zakona o sudskim taksama u postupku pred Sudom Bosne i Hercegovine** i na osnovu člana 25. stav 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), daje

MIŠLJENJE

Ustavni osnov za donošenje predmetnog Zakona sadržan je u članu IV 4.a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona potrebnih za provođenje odluka Predsjedništva Bosne i Hercegovine ili za vršenje funkcija Parlamentarne skupštine prema Ustavu Bosne i Hercegovine.

Vijeće ministara Bosne i Hercegovine je na 167. sjednici održanoj 11. marta 2019. godine, usvojilo Program rada Vijeća ministara Bosne i Hercegovine za 2019. godinu, u kojem nije predviđeno donošenje Zakona o izmjenama i dopuni Zakona o sudskim taksama u postupku pred Sudom Bosne i Hercegovine

Kako se navodi u Obrazloženju predmetnog Zakona, Visoko sudsko i tužilačko vijeće Bosne i Hercegovine dostavilo je Ministarstvu pravde Bosne i Hercegovine Inicijativu Suda Bosne i Hercegovine za izmjene Zakona o sudskim taksama u postupku pred Sudom Bosne i Hercegovine („Službeni glasnik BiH“, broj 39/03).

Ministarstvo pravde je navedenu inicijativu dostavilo Ministarstvu finansija i trezora Bosne i Hercegovine koje je bilo obrađivač osnovnog teksta Zakona, a i zaduženo je za nadzor nad izvršenjem Zakona. Nakon održanih konsultacija između ova dva ministarstva, dogovoreno je da Ministarstvo pravde Bosne i Hercegovine bude predlagač predmetnog zakona.

Predmetnim zakonom osigurava se djelotvornost postupka naplate sudske takse kako budžet Bosne i Hercegovine ne bi snosio posljedice. Ovim zakonom, a u odnosu na osnovni tekst zakona uređuje se, odnosno mijenja vrijeme zastare, otklanjaju nedostaci u postupku naplate i

donošenja rješenja o prinudnoj naplati, propisuje postupak donošenja rješenja sa mogućnošću ulaganja žalbe i dostave rješenja kao izvršnog naslova nadležnom sudu na izvršenje u skladu sa zakonima o izvršnom postupku, te otklanjaju nedostaci kako bi se uredio efikasan postupak prinudne naplate takse fizičkim osobama koje nemaju boravište ili prebivalište u Bosni i Hercegovini, ali imaju imovinu u Bosni i Hercegovini, ili ako nemaju imovinu.

U dostavljenom materijalu priloženi su: popunjen Obrazac broj 1 – Prethodna procjena uticaja propisa i Izjava sa Izvještajem o provedenim javnim konsultacijama.


U pogledu dostavljenog teksta Nacrta Zakona o izmjenama i dopuni Zakona o sudskim taksama u postupku pred Sudom Bosne i Hercegovine, Ured za zakonodavstvo nema primjedbi, osim što se sugeriše da se u članu 1. kod navođenja naziva Zakona o sudskim taksama u postupku pred Sudom Bosne i Hercegovine, u zagradi, skraćenica „br.“ zamijeni riječju „broj“.

Ured za zakonodavstvo ukazuje da se o tekstu Nacrta Zakona, pribavi i mišljenje Ministarstva finansija i trezora Bosne i Hercegovine.

Uz predmetni tekst Zakona, prilikom upućivanja na sjednicu Vijeća ministara Bosne i Hercegovine, potrebno je priložiti i pregled odredaba, koja se mijenjaju ili dopunjavaju, što je utvrđeno Poslovníkom o radu Vijeća ministara Bosne i Hercegovine („Službeni glasnik BiH“, broj 22/03).

Prilikom upućivanja prijedloga zakona u dalju proceduru Parlamentarnoj skupštini Bosne i Hercegovine, potrebno je priložiti odredbe članova koje se mijenjaju i dopunjavaju, te verziju prečišćenog teksta Zakona o javnim nabavkama, kako je to propisano članom 105. stav (5) Poslovníka Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15) i članom 95. stav (5) Poslovníka Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15 i 96/15).

Dostaviti:
-Naslovu
-a/a



("Službeni glasnik Bosne i Hercegovine" br. 39/03)

Na osnovu člana IV, 4. a) Ustava Bosne i Hercegovine, Parlamentarna skupština Bosne i Hercegovine na sjednici Predstavničkog doma, održanoj 24. septembra 2003. godine, i sjednici Doma naroda, održanoj 29. oktobra 2003. godine, usvojila je

ZAKON O SUDSKIM TAKSAMA U POSTUPKU PRED SUDOM BOSNE I HERCEGOVINE

I - OPĆE ODREDBE

Član 1.

Ovim zakonom propisuju se sudske takse (u daljem tekstu: taksa) u postupku pred Sudom Bosne i Hercegovine (u daljem tekstu: Sud) i način njihovog plaćanja.

Postupci u kojima se plaća taksa i visina takse za pojedinačne radnje utvrđuju se taksenom tarifom u skladu sa članom 22. ovog zakona.

Član 2.

Takseni obaveznik je osoba po čijem prijedlogu ili u čijem interesu se preduzimaju radnje utvrđene ovim zakonom.

Za podneske i zapisnike koji zamjenjuju podneske, takseni obaveznik je osoba koja podnosi, odnosno osoba po čijem se zahtjevu zapisnik sastavlja.

Ako za istu taksu postoje dva ili više obaveznika, njihova obaveza je solidarna.

Član 3.

Postupak naplate takse pokreće i vodi Sud po službenoj dužnosti.

Član 4.

Ako ovim zakonom nije drugačije propisano, taksena obaveza nastaje:

- 1) za podneske - u trenutku kada podnesak bude neposredno predat ili zaprimljen kod Suda;
- 2) za sudske odluke - kada se stranci ili njenom zastupniku uruči prijepis odluke;
- 3) za ostale radnje - kad je zatraženo njihovo preduzimanje, odnosno kad Sud počne postupanje.

Član 5.

Taksa se plaća u trenutku nastanka taksene obaveze, ako ovim zakonom nije drugačije propisano.

Član 6.

Taksa na presudu u upravnom sporu plaća se samo kad Sud odbije tužbu.

Taksena obaveza iz stava 1. ovog člana dopijeva u roku od 15 dana od dana prijema naloga za plaćanje takse.